

**ՆԱԻՐԻ, ԲԻԱՅՆԱ, ՈՒՐԱՐՏՈՒ ԵՎ ՀԱՅՔ
ԵՐԿՐԱՆՈՒՆՆԵՐԻ ՍՏՈՒԳԱԲԱՆՈՒԹՅԱՆ ՇՈՒՐՁ**

ՂԱՐԱԳՅՈՋՅԱՆ Ա. Հ.

Նաիրի, Բիայնա, Ուրարտու և Հայք երկրանունները մշտապես եղել են հետազոտողների ուշադրության կենտրոնում: Այդ ուղղությամբ կատարվել են ստուգաբանական բազմաթիվ փորձեր: Մակայն հարցն իր վերջնական լուծումը դեռևս չի ստացել:

Հայտնի է, որ ասուրական արձանագրություններում Ասորեստանից արևելք և Կաշիարի (Մասիտու) լեռներից հյուսիս ընկած ցեղային երկրների ընդհանրական անվանումը եղել է Նաիրի (Na'iri), որն առաջին անգամ վկայվել է Ասորեստանի Թուքուլթի-Նինուրտա թագավորի (մ.թ.ա. XIII դ. երկրորդ կես) արձանագրություններից մեկում¹: Ընդունված է երկրանունը մեկնաբանել որպես Գետերի եր-կիր («աքքադ. *naru* - «գետ» բառից)²: Առաջարկվել է Կրակի երկիր ստուգաբանությունը³, ինչպես նաև լեռնաշխարհի բացատրությունը⁴: Հարկ է ընդգծել որ տեղանվան մեջ ակնհայտ է հայկական տարրը: Na- առաջին բաղադրիչը («որ և գրի նայ՝ նոյն հնչմամբ. Որպես թէ՛՝ Նայեա. տես ահա...»)՝ համարվում է «Բնիկ հայ. բառ՝ հնի. ոս - «այն» դերանունից»⁵: Հավաստիորեն որոշվում է նաև *iri/ire* բաղադրիչը: Այն աշխարհագրական անուններում արտացոլված Ar/Ara դիցանվան տարբերակներից մեկն է՝ Տեղանվան մեջ Արևաստծո անվան առկայությունը Na տարրի մեջ տեսանելի է դարձնում արեգակին բնորոշ՝ երևան եկող, ծագող, հայտնվող, հառնող բովանդակությունը: Հետևաբար, Նաիրի երկրանունը նշանակում

¹ Sk' u Дьяконов И. М. Ассирио-вавилонские источники по истории Урарту (Вестник древней истории, 1951, N 2, с. 267-268).

² Sk' u Հայկական Սովետական Հանրագիտարան, հ. 8, Ե., 1982, էջ 145-146:

³ Ըստ Մ. Գավուրճյանի՝ «Նաիրի բառը սեմական է եւ գալիս է Հայկական լեռնաշխարհի հարաւային հարեւան եղող սեմական աշխարհի լեզուներից: Ասորերէն *naira* կամ *nora* նշանակում է «կրակ», սեմական բոլոր լեզուներով *nor* նշանակում է «լույս», արաբերէն նար նշանակում է «կրակ», նարիյ նշանակում է «կրակային» (Գավուրճյան Մ., Ուսումնասիրություններ հայոց հնագույն պատմության, Ե., 2010, էջ 63):

⁴ Վ. Խաչատրյանի համոզմամբ՝ «Նաիրին կարելի է ստուգաբանել որպէս *ng4-a* «քար» և *i-ri* «բնակավայր» արմատներից կազմված տեղանուն ...: Այդ բառերը ասսուրերէնում շումերական փոխառություններ են: Հետևաբար, Նաիրին նշանակել է «լեռնաշխարհ», որը աշխարհագրական անուն է եղել» (Խաչատրյան Վ., Հայաստանը մ.թ.ա. XV-VII դարերում (Հայոց հին պատմություն), Ե., 1998, էջ 83):

⁵ Նոր բառգիրք Հայկագեան լեզուի, հ. II, Ե., 1981, էջ 383: Նկատենք, որ տեսնելը՝ նայելը, առնչվում է այժմ հասկացությանը և սկզբնապես նշանակել է «ճրագ», «արև», «լուսին» (Март Н. Я. Избранные работы, т. V, М.-Л., с. 411, 463):

⁶ Sk' u Աճառյան Հր., Հայերեն արմատական բառարան, (այսուհետև՝ ՀԱԲ), հ. III, Ե., 1977, էջ 416:

⁷ Sk' u Տերյան Ա., Հայաստանը արարչագործության և քաղաքակրթության բնօրրան, Ե., 2002, էջ 67:

է Արևի երկիր (բառի բուն իմաստով՝ ծագող /ելնող, բարձրացող/ լուսատու), որը պայմանավորված է եղել տեղաբնիկների դիցաբանական պատկերացումներով:

Ըստ ասուրական արձանագրությունների՝ մ.թ.ա. IX դ. առաջին կեսին Հայկական լեռնաշխարհի արևմտյան հատվածում ձևավորված պետությունը զբաղեցրել է նաիրյան երկրների տարածքը⁸: Այդ մասին է վկայում նաև Սարգուրե I-ի՝ Նաիրիի թագավոր տիտղոսը⁹: Նկատենք, որ «Թուղխալիյաս IV-ը (մ.թ.ա. 1255-1233 թթ.) և Թուքուլթի-Նինուրթա I-ը (մ.թ.ա. 1244-1208 թթ.) ժամանակակիցներ են: Սակայն խեթական թագավորը Հայկական լեռնաշխարհի արևմտյան շրջանները հիշատակում է Հայասա, իսկ Ասորեստանի տիրակալը՝ Նաիրի երկրներ անուններով»¹⁰: Հարկ է նշել, որ Նաիրի ընդհանրական անունը հատուկ է եղել նաև Հայկական լեռնաշխարհի արևելյան և հարավային հատվածներին¹¹:

Նաիրի անվան ստուգաբանությունը բերում է այն համոզման, որ Հայկական լեռնաշխարհի ազգագավառներում Ar/Ara աստծո պաշտամունքը եղել է ընդհանուր: Իր բացառիկ նշանակությամբ նա բիայնական պետության դիցաբանում հանդես է եկել որպես գլխավոր աստվածություն¹²: Հիշատակության է արժանի այն, որ I դարի հեղինակ Հովսեպոս Փլավիոսը, տարբեր ժողովուրդների ցեղային անվանումներն առաջացած համարելով Նոյ Նահապետի հետնորդների անուններից, նշում է, որ

⁸ Ադոնց Ն., Հայաստանի պատմություն, Ե., 1972, էջ 84-87: Մ.թ.ա. IX դ. առաջին կեսին բիայնական պետությունը զբաղեցրել է բավական ընդարձակ տարածք: Ըստ ասորեստանյան աղբյուրների՝ նրա սահմաններն արևմուտքում ձգվում էին Արևմտյան Տիգրիսի ակունքից մինչև Արևմտյան Եփրատի ակունքն ընկած գծով: Հյուսիս-արևելքում թագավորության սահմանը հասնում էր Ուրմիա լճի հյուսիսային առափնյա շրջանը, հյուսիսում՝ մինչև Արարատ լեռան շրջակայքը: Հարավ-արևելքում սահմանը տարածվում էր մինչև Արդինի-Մուծաձիրի տարածաշրջանը, հարավ-արևմուտքում (Վանա լճից հարավ)՝ Խուբուշկիա թագավորությունը (նույն տեղում, էջ 87, Меликишвили Г. А., Урартские клинообразные надписи, М., 1960, с. 15):

⁹ Ադոնց Ն., նշվ. աշխ., էջ 149:

¹⁰ Խաչատրյան Վ., նշվ. աշխ., էջ 82:

¹¹ Է. Ա. Գրանտովսկին Նաիրյան երկրների զբաղեցրած տարածքի մասին գրում է. «Ըստ Գ. Ա. Մելիքիշվիլու և Բ. Մ. Դյակոնովի, «Նաիրի» տերմինը Շամշի -Ադադ V-ի օրոք ընդգրկել է նաև Մարաստանը: Սակայն դրա համար իր հե բթին հիմք է հանդիսանում մ.թ.ա. 820 թ. ցուցակի տիրույթների վերագրումը Մարաստանին...: Նաիրի հասկացության ընդլայնումը Շամշի-Ադադ V-ի ժամանակաշրջանում անվիճելի է. այն կարող է վերաբերել մերձուրմյան շրջանի երկրներին, սակայն մինչև Վանա լիճ և Ուրարտու ընկած շրջանները Շամշի-Ադադ V-ի օրոք նույնպես ընդգրկվում են Նաիրի ընդհանուր հասկացության մեջ» (Грантовский Э. А. Ранняя история иранских племен Передней Азии, М., 1970, с. 191):

¹² Ղարագյոզյան Ա., Հալդե դիցանվան ստուգաբանության հարցի շուրջ [Գավառի պետական համալսարան, գիտական հոդվածների ժողովածու (այսուհետև՝ ԳՊՀ), 2011, N 13, էջ 205]:

Հայաստանը հաստատեց Արամնուի որդի Ուրոսը¹³: Նկատենք՝ Ուրոս (հմմտ. *Uraš/Aras*) անունն ընկած է *Uraštu* (Ուրաշտու) երկրանվան հիմքում: Արամնուր կամ Արամը ընկալվել է որպես հայոց հնագույն՝ արևի աստված¹⁴: Բնականաբար, Ուրոս արևորդին կարող էր ըմբռնվել և երևան գալ որպես վաղորդյան արևի՝ արշալույսի աստված՝ անձնավորելով Արա Գեղեցիկին¹⁵: Հայոց ավանդական պատմության մեջ ևս Արամի որդին համարվում է Արամ¹⁶: Վերջինիս որդին՝ Արայան Արան (=արևորդի) նույնպես արևային աստվածություն էր, որի մասին վկայում է նրա երկրորդ՝ Կարդոս¹⁷ անունը (հմմտ. *sard/kard*=արև¹⁸): Արևային աստվածությունների ազգակցական կապը, հերթագայությունը և առանձնացումը ենթադրում են դրանց համապատասխանությունն ամեն օր հառնող և մեռնող Արև աստվածության և նրա մշտական ուղեկից Արուսյակ (=Անահիտ)¹⁹ մոլորակի երկու դրսևորումներին (Լուսաբեր և Գիշերավար): Այս շարքը համադրելի է բիայնական դիցարանում խմբավորված աստվածությունների առաջին եռյակի (Խալդե, Շիվինի, Թեյշեբա) հետ: Ընդ որում, պաշտվող գլխավոր աստվածության և նրա երկնային խորհրդանիշի անունն արտացոլվել է բիայնական թագավորների անվանումներում²⁰:

Բիայնական պետության տարածքը համարվել է իշխող թագա- վորական տան տիրույթը: Այդ իրողությունը երևան է գալիս, երբ “*Biayna*” անվան “*ay-na*” բաղադրամասին տրվում է «երկիր» բացատրությունը (հմմտ. ուրարտ. “*ay*” «հող» գծագրորեն “*ai*” - *ay+ na* «հող», «երկիր»)²¹, իսկ *bi* հատվածը դիտվում է որպես *bir - ber* (= տոհմ, ցեղ, տուն) բառի մնացուկ²²: Այսինքն՝ «(թագավորական) տոհմի, ցեղի երկիր» կամ, այլ կերպ ասած, արևորդիների (Արևաստծո զարմ, սերունդ)երկիր: *Bi* տարրը համադրվել է նաև արև, կրակ, վառվել հասկացությունների հետ²³: Այս

¹³ Օտար աղբյուրները Հայաստանի և հայերի մասին, Հին հունական աղբյուրներ, Ա, Հովսեփոս Փլավիոս, Դիոն Կասսիոս, թարգմանությունը բնագրից, առաջաբանը և ծանոթագրությունները Ս. Մ. Կրկյաշարյանի, Ե., 1976, էջ 56:

¹⁴ Ղարաբյոքյան Ա., Թեգարամա (Թոգարմա) քաղաքի տեղորոշման հարցի շուրջ [ՀՀ ԳԱԱ Լրաբեր հասարակական գիտությունների (այսուհետև՝ Լրաբեր), 2011, N 4, էջ 8]:

¹⁵ Հետաքրքրական է, որ արշա (վաղորդյան արև) բառը նշանակել է նաև ձի (Mapp H. Я., նշվ. աշխ., էջ 134):

¹⁶ Տե՛ս Մովսիսի Խորենացու Պատմութիւն հայոց, Տիֆլիս, 1913, էջ 19, 21, 48:

¹⁷ Նույն տեղում, էջ 50: Հիշատակելի է, որ *kard*(/**kord*) բառարմատն առկա է Կորդուք տեղանվան և կարդուի (Քսենոֆոն, Անաբասիս, թարգմ. Ս. Կրկյաշարյանի, Ե., 1970, էջ 81-83, 89, 91-93, 122, 197) ցեղային անվան հիմքում:

¹⁸ Mapp H. Я., նշվ. աշխ., էջ 124:

¹⁹ Տե՛ս Աճառյան Հր., Հայոց անձնանունների բառարան, հ. IV, Ե., 1948, էջ 17:

²⁰ Ղարաբյոքյան Ա., Գեղամա երկիր (պատմաաշխարհագրական ուսումնասիրություն), Ե., 2004, էջ 24-25, ծան. 9, նույնի՝ Վանի թագավորության արքայատոհմի ծագման հարցի շուրջ (ԳՊՀ, 2011, էջ 199-202):

²¹ Mapp H. Я., նշվ. աշխ., էջ 492:

²² Նույն տեղում, էջ 522:

²³ Նույն տեղում, էջ 474:

դեպքում երկրանունը ստանում է Արևի երկիր բացատրությունը, որն իմաստի առումով համապատասխանում է Նաիրի երկրանվանը: Այդ ստուգաբանությունները ոչ թե հակասում, այլ լրացնում են միմյանց: Այս կապակցությամբ նշենք, որ եթե Ուրուատրի/Ուրատրի երկրանունն իր հերթին նշանակել է Արևի (= Արամի) երկիր²⁴, ապա նրա բնիկ տերերն, ըստ երկրանվան, նույնպես պետք է կոչվեին արևորդիներ, որը, անշուշտ, արտահայտվել է ^uururde տերմինով՝ որպես իշխող դասի ներկայացուցիչների անվանում²⁵: Այս առումով հետաքրքիր է, որ ասուրական աղբյուրները Ռուսա I (մ.թ.ա. 735-713 թթ.) և Արգիշթե II (մ.թ.ա. 713-685 թթ.) արքաներին անվանել են ուրարտայա²⁶ (= ^uurude): Հարցի ուսումնասիրության տեսանկյունից կարևոր նշանակություն ունի հետևյալ դիտարկումը: Կորդվաց աշխարհն Աստվածաշնչում և հայ պատմագրության մեջ հայտնի է Արարադի երկիր անունով²⁷: Սեմական լեզուներում երկրանունը վկայվել է Qardū, Qardo, Qarda ձևերով²⁸: Այդ անունով կոչվել է նաև Արարադ լեռը²⁹, որը սեպագրով վկայվել է Արարդի (<*Արարտու³⁰ = Ուրարտու) գրությամբ: Ընդ որում, եթե նկատի ունենանք Urartu (=alarōd «արևորդի»³¹) և Uraštu երկրանունների համապատասխանությունը³², ապա կարելի է արձանագրել, որ, ի տարբերություն Կարդու երկրանվան, որն արտահայտել է Արևի երկիր իմաստը, Ուրարտուն նշանակել է Արևորդիների երկիր: Արարադի երկիրն անվամբ և տեղագրորեն համապատասխանում է Արատային, որը համարվում է Հայկական լեռնաշխարհի առաջին պետական կազմավորումը (մ.թ.ա.

²⁴ Ղարազդոզյան Ա., Թեգարամա (Թոգարմա) քաղաքի տեղորոշման հարցի շուրջ, 2011, էջ 8:

²⁵ Ղափանցյան Գր., Ուրարտուի պատմությունը, Ե., 1940, էջ 133, Меликишвили Г. А., նշվ. աշխ., N 155, տող 11, ծան. 8, Կարագեղեան Հովհ., Սեպագիր տեղանուններ, Ե., 1998, էջ 45: «Բասկերենը ար երկնքից te-ի (երեխա) հավելումով տալիս է ածանցյալ urte բառը՝ բառացիորեն երկնքի որդի» (Март Н. Я., նշվ. աշխ., էջ 421): Սակայն «արևն անվանվել է ըստ երկնքի, ինչպես մասն ամբողջի» (Март Н. Я., նշվ. աշխ., էջ 463): Նկատենք նաև, որ ուրարտ. ^u ururde տերմինի և բասկերեն urte բառի միջև եղած իմաստաբանական կապն ակնհայտ է (հմմտ. հուն., լատ. ortus «ծագեալ, սերեալ», լիվ. urtu «օրինական», ալբան. rit «աճել», հայ. «որդի» (տե՛ս ՀԱԲ, հ. III, էջ 576-577):

²⁶ Տե՛ս Կարագեղեան Հովհ., նշվ. աշխ., էջ 176:

²⁷ Նույն տեղում, էջ 278:

²⁸ Տե՛ս Հարությունյան Բ. Հ., Սեծ Հայքի վարչաքաղաքական բաժանման համակարգն ըստ «Աշխարհացոյց»-ի, Ե., 2001, էջ 279:

²⁹ Տե՛ս Գավուրճյան Ս., նշվ. աշխ., էջ 64: Հիշատակելի է, որ «Ըստ տեղական ավանդության՝ այդ լեռան վրա ջրհեղեղից հետո կանգ է առել Նոյի տապանը» (Շրենյան Ս. Տ., Հայաստանը ըստ «Աշխարհացոյց»-ի, Ե., 1963, էջ 39):

³⁰ Տե՛ս Дьяконов И. М., նշվ. աշխ., էջ 285, ծան. 12:

³¹ Հմմտ. «Urartu կամ Alarod (<*Ararod)=Ararat» (Март Н. Я., նշվ. աշխ., էջ 3, 124): Էթնիկ անունը բաղկացած է հնդեվրոպական ծագում ունեցող ar=al/ala (իմա՛ր արև) [տե՛ս Ղարազդոզյան Ա., Հալդե դիցանվան ստուգաբանության հարցի շուրջ, էջ 205-206] և rōd (=որդի), ՀԱԲ, հ. III, էջ 576-577) բառարմատներից]:

³² Март Н. Я., նշվ. աշխ., էջ 124:

XXVIII-XXVII դդ.)³³: Ըստ շումերական մի բնագրի՝ Արատայի ժողովուրդը համարվել է Արևաստծո կողմից գերադասված ժողովուրդ³⁴:

Հավելենք, որ «հին արևելյան պետություններում ժողովուրդ հասկացության մեջ չէր մտնում պարտադիր ցեղային միասնությունը, այլ ենթադրում էր այս կամ այն պետության սահմաններում ապրող մարդկանց ամբողջությունն առանց գերիշխող տարրի պատկանելության»³⁵: Այսուհանդերձ, արտոնյալ ցեղին պատկանող մարդ գաղափարը կարող էր դրսևորվել որոշակի տերմինով, որը ժամանակի ընթացքում կվերածվեր ցեղանվանման: Հատկանշական է, որ «հայերը սեփական անվամբ ինքնորոշում են իրենց, և դա է ժամանակակից հայ բնակչության, բառի բուն իմաստով՝ նրա որոշակի հասարակական խմբի իրական՝ հնագույն անվանումը»³⁶: Ինչպես հայտնի է, Վասպուրականի Հայոց ձոր (Երվանդունիք) գավառի Աստվածաշեն գյուղի արևմտյան մասում, ժայռի գագաթին գտնվող՝ Հայք դաստակերտի (հետագայում՝ Հայկաբերդ³⁷)՝ սեպագրով վկայված անունը եղել է Սարդուրիխինիլի³⁸: Սարդուրի անվան մեջ առկա է Արևաստված գաղափարը, որը փաստորեն պահպանվել է այժմ ավերակ Աստվածաշեն³⁹ գյուղի անվան մեջ: Ուստի միանշանակ է, որ Սարդուրիխինիլի և Հայք՝ տեղանունները համարժեք հասկացություններ են: Բնականաբար, Հայքը որպես երկրանուն նույնպես նշանակել է Արևի երկիր, իսկ հայ ցեղային անվանումը՝ արևորդի: Այդ իմաստով՝ հայ

³³ Հայ ժողովրդի պատմության քրեստոմատիա, Ե., 2007, էջ 48, ծան. 1:

³⁴ Նույն տեղում, էջ 48:

³⁵ Пиготровский Б. Кармир-Блур, результаты раскопок 1939-1940 гг., Е., 1950, с. 9.

³⁶ Март Н. Я., նշվ. աշխ. 206:

³⁷ Ըստ հայոց ավանդական պատմության՝ Հայք դաստակերտը կառուցել է հայոց անվանադիր նախնի Հայկ նահապետը, տիտանյան Բելի (Նեբրովլ) դեմ հաղթական ճակատամարտից հետո. «Բայց գտեղի ճակատուն շինե դաստակերտ, և անուն կոչէ Հայք, վասն հաղթութեան պատերազմին» (Մովսիսի Նորենացու Պատմութիւն Հայոց, էջ 37):

³⁸ Տե՛ս Հակոբյան Թ. Խ., Մելիք-Բախշյան Ստ., Բարսեղյան Հ. Խ., Հայաստանի և հարակից շրջանների տեղանունների բառարան, հ. 3, Ե., 1991, էջ 334:

³⁹ «Հ-ի ավերակներն ուսումնասիրել և նկարագրել են Ն. Սարգիսյանը, Մ. Միրախորյանը, Լեւոն-Հաուպտը և Հ. Օրբելին: Բերդի հվ. և հս. կողմերում պահպանվել են տաշածո խոշոր վիմաքարերով (1մ³ մեծությամբ) կառուցված (կիկլոպյան շարվածք) պարիսպների մնացորդները, որոնք լեռնագոտուց ձգվում են մինչև գագաթը: Հ-ի միմյանց կից երկու ամրոցները նույնպես ամրացվել են հաստահեղույս պարիսպներով: Բերդը թիկունքից պաշտպանվել է հս-հվ. ձգվող ձեռակերտ խրամատով (լայնքը՝ 14 մ): Լեռնագագաթից երկու ժայռափոր ուղիներ, աստիճանաբար ընդարձակվելով, տանում են դեպի բերդը: Բերդապարիսպների ներսում, քարանձավներից վերև նշմարվում են քարե հիմքերով և հում աղյուսով կառուցված բոլորակ բնակարանների հետքեր: Հ-ում հայտնաբերվել են ուրարտ. կնիքներ, որոնցից մեկը (պահպանվում է Էրմիտաժում) պատկերում է ձեռքերը վեր պարզած թևավոր աստվածուհի, աջ կողմում՝ այծ, ձախում՝ սրբազան ծառ՝ կողքերից երկու աղոթող, իսկ նրանց զխավերում՝ կիսալուսին: Հ-ում գտնվել են նաև մետաղյա երեքթևյան նետասլաքներ, սեպածն արձանագրությամբ խոշոր կարասների մնացորդներ: Լեռան ստորոտին՝ Աստվածաշենի մոտ, պահպանվել է Սարդուրի Բ թագավորի բնեռածն արձանագրությունը՝ բերդաշինության մասին» (Հայկական Մովետական Հանրագիտարան, հ. 6, Ե., 1980, էջ 167):

ինքնանվանը (որից ունենք Հայկ անձնանունը և Հայք երկրանունը) իր նշանակությամբ և արտասանությամբ համապատասխանում է *Āyu-* (<*Āya)-ն՝ Ռիգվեդայում (մ.թ.ա. II հազ. կես-X դդ.)⁴⁰ վկայված արիական ցեղերից մեկի անունը⁴¹: Բհագա աստծուն նվիրված օրհներգում այն «արտոնյալ ցեղի մարդ հասկացության նշանն է՝ իբրև անվանում»⁴²: Հետևաբար, հայերի առասպելական նախնին՝ Հայկը, ըստ իմաստի, երևան էր գալու որպես Հայոց աշխարհին պատկանող, նրան հովանավորող աստծո մականուն:

Բնականաբար, իրենց նշանակությամբ հայ և արմեն անվանումները եղել են համարժեք⁴³: Այսինքն՝ նրանց համապատասխանությունը բացարձակ է:

К ВОПРОСУ ОБ ЭТИМОЛОГИИ ТОПОНИМОВ НАИРИ, БИАЙНА, УРАРТУИ АЙК

КАРАГЕЗЯН А. А.

Резюме

Топоним Наири означает “страна Солнца”, но при этом “Солнца восходящего”.

В топониме “Biaupa” составная часть “ау-па” рассматривается как “страна”. Частица *Bi* восходит к слову *bir/ber* (=род, племя, дом), т. е. страна /царского/ рода, племени или “страна детей Солнца” (букв. семя Солнца). Элемент *Bi* сопоставляется также с понятиями солнце, огонь, гореть, и в таком случае топоним получает толкование “страна Солнца”. Упоминаемая в Библии и армянской историографии “страна Арарат” клинописно засвидетельствована как Арарди (<*Арарту=Урарту). Соответствие топонимов *Uratu*(=*alarōd*) и *Uraštu* предполагает толкование топонима в качестве “страны детей Солнца” в отличие от названия Уруатри/Уратри, означающего “страна Солнца”.

В названии города-крепости Айк (Հայք) провинции Васпуракан (округ Айоц-дзор/Ервандуник), упоминаемой в клинописной надписи Сардурихинили, присутствует понятие бога Солнца, которое сохранилось в названии с. Аствацашен

⁴⁰ Հայկական Սովետական Հանրագիտարան, հ. 9, Ե., 1983, էջ 659:

⁴¹ *St* և *Дюмезиль Ж.* Верховные боги индоевропейцев, М., 1986, с. 77.

⁴² Նույն տեղում, էջ 218, ծան. 45: Իմաստաբանորեն սրան համահունչ է Ռուսա II-ի (մ.թ.ա 685-645) Յայա պատվանունը: Այն վկայվել է գուշակային մի տեքստում, որը պարունակում է Արևի աստված Շամաշին ուղղված հարցումներ (տե՛ս Հայ ժողովրդի պատմության քրեատմատիա, հ. I, Ե., 2007, էջ 137):

⁴³ Հայագետների կողմից կատարված հայ և արմեն անվանումների՝ ուշադրության արժանի մեկնաբանությունների քննության մասին տե՛ս Զահուկյան Գ. Բ., Հայոց լեզվի պատմություն, նախագրային շրջան, Ե., 1987, էջ 279-288:

(букв. основанный богом /Солнца/). Топонимы Сардурихинили и Айк – равнозначные понятия. Следовательно, топоним Айк также означал “страна Солнца”, а этноним *хай* (*huy*) – “дети Солнца”, которому по значению и произношению соответствует *Āyu*(<**Āya*)- название одного арийского племени, засвидетельствованного в Ригведе, в гимне, посвященном богу Бхага.